

Inatsisartut suleriesissaanni § 36, imm. 1 naapertorlugu Naalakkersuisunut uku apeqquteqaatigissavakka:

TAC-ip 2005-imi nassuiaataa pillugu Naalakkersuisunut apeqqutit.

Apeqqut siulleq:

TAC-ip 2005-imi nassuiaataani atuarneqarsinnaavoq, 1997-imi Svalbard-imi raajarniarsimanermit Norgemiut najoqqutassiaat naapertorlugu, Kalaallit Nunaat ulluni 643-ni tallimanik raajarniuserlutik raajarniarsinnaatitaasut. Tunisassiorneruup periarfissaq taanna atunnginnguatsiarpa. Tunisassiornerup taamaaliunnginneranut Naalakkersuisut peqquataasunik ilisimasaqarpat?

Ilumoorpa Svalbard-ip eqqaani 1997-miit raajarniarsinnaanermut Norgemiut najoqqutassiaanik atuuttunik nunarput akuersaarinninngitsoq? Angerneruppat. Taassuma peqquataa erseqqissaqquneqarpoq.

Apeqqutip aappaa:

Nassuiaammi tassani allaqqavoq, Qeqertarsuup eqqaani ukiuni kingullerni nunap qanittuani qaleralinniarnermi pisisimasat amerlanerulersimasat – uumasunik ilisimasallit siunnersuutaasa 50%-ianik annerusumik pisaqartoqarsimalluni. Pisisaasut appartinnissaat siunertaralugu Naalakkersuisut piviusunik suliniuteqassamaarpat, uumasunik ilisimasallit innersuutai annertunerusumik ersersinneqarsinnaalerlugit?

2.1) Allassimavortaaq Naalakkersuisut 2005-mut TAC-mik aalajangiussaqaarsimanngitsut. Naalakkersuisut tamatumunnga patsisaat paaserusupparput?

2.2) Uumasunik ilisimasallit siunnersuutigisimasaannut naleqqiullugu Qeqertarsuup eqqaani 50%-imik sippuilluni aalisarsimanerup piffissaq ungasinnerusoq isigalugu Kalallit Nunaanni aalisarnermi aningaasarsiornerup inuussutissarsiutaanerata ineriartornissaanut Naalakkersuisunit iluaqutaassangatinneqarpa?, taava taanna atonerluineq cost-benefit-iminngaaniit isigalugu oqartussaassuseqarnertut pitsaasutullu isigineqarsinnaanerpa?

2.3) Qeqertarsuup eqqaani qaleralittassanut Naalakkersuisut aqutsinerat peqqissaarnertut ileqqoqarnermut naleqquppa?. Sukkut peqqissaarluni ileqqoqarnissaq malunniussimava Qeqertarsuup eqqaani ukiuni kingullerni tallimani qaleralinniarnep Naalakkersuisunit aqunnera eqqarsaatigalugu?

2.4) Taaneqarpoq Naalakkersuisut umiarsuup angalaneramik allattuineramik pisussaassuseq agguakkanillu angissusiliineq 2006-imi atulersinniaaraat. Suliap sumut killinnera paaserusunneqarpoq, nassuiaatitalimmik sumilu ullormi suliassap qulaani taaneqartup atulernissaa pissanersoq?

2.5) Ilumoorpa aalisakkanik EU-p iluani tunisinermi, ilumut aalisakkat suussusii/tunisassiat EU-p iluani tuniniakkat nungukkiartuutaanngitsumik aalisarsimanermit pisuunerinik niuertut uppernarsaammik takutitaqarsinnaasalernissaata atuuttuulernissaa EU-mit eqqarsaatigineqartoq?

Angertoqarpat, paaserusunneqarpoq ilumut EU-p paasinnittaasia malillugu Qeqerarsuup eqqaani qaleraninnik aalisarsimaneq nungukkiartuutaanngitsumik aalisarsimanertut oqaatigineqarsinnaanera Naalackersuisunit qanoq nalilerneqarsimansoq?

Apeqqutit pingajuat:

Nasuaat malillugu kissavaasarniarneq pillugu 2005-imi aningaasanik immikkoortitsisoqarsimavoq Attu-p eqqaani tamatuminna misissuinissamut – tassunga atatillugu isumaavoq aammaasseqqinnissamut apeqqut. Misissuineq naammassineqarsimava? Angerneruppat – tamatuma paasissutissartaa nassiuteqquneqarpoq.

Apeqqutit sisamaat:

2005-mut TAC-ip nassuaataani takuneqarsinnaavoq, TAC-ip piviusup kalaallinut, islandermiunut savalimmiormiunullu qalerallit ataatsimut pisassarititaasut annertussusiat uumasunik ilisimasallit innersuutaannik annertunerujussuit. Suut suliniutiiviit illugiittut immaqaluunniit pingasoqiusatut inissimasut Naalackersuisunit eqqarsaataappat 2006-2007-imi suliniutitut aallartitassatut piffissamut ungasinnerusumut inernilunneqarsinnaasut, nunat ataasiakkaat soqutigisaat uumassusilinnillu piuaannartitsinissamut isumaginittussat?

Apeqqutit tallimaat:

Akerliuffigalugu Islandip Tunumi tiguisimanera ICES-ip TAC-itut siunnersuutaa Kalaallit Nunaata, Islandip Savalimmiullu akornanni ataatsimut qalerallitassai 15.000 tonsiusut – Kalaallit Nunaata nammineq imminut qalerallitassissimavoq taamaaqataanik, tassalu 15.000 tonsinik. TAC-p nassuaataa malillugu tassunga atatillugu qularnaarneqarsimavoq Kalaallit Nunaata TAC-iata pisassani tamakkerlugit aalisassanngitsoq – Kalaallimmi Nunaata isumaginngimmagu, pisassarititat tamaasa tigussallugit. Tunup eqqaani qalerallitassimasut 2002-mi, 2003-mi, 2004-mi 2005-imilu annertussusaat paaserusunneqarput.

Piomasarivara, apeqqutit akineqarnissaat kingusinnerpaamik 24. marts 2006 pissasoq.

Marie Fleischer